

ÑAXAM BA JUN TSA' BA I TS'IJBU JUAN

Cuxty_λlel_λch jini T'an

¹ Chancol lojon c ts'ibubeñetla cha'an jini am b_λ c'_λλ ti tyejchibal, jini ubibil b_λ lojon c cha'an, jini q'uelel b_λ lojon tic wut, tsa' b_λ lojon c wen q'uele bajche' ti ajni, jini ty_λl_λl b_λ lojon tij c'_λb. Jiñ_λch jini mu' b_λ i tsictisan bajche' an Dios.

² Ti tsictiyi i cuxty_λlel. Ti lojon quil_λ. Chancol lojon c sub ch_λ b_λ ti lojon j q'uele. Chancol lojon c subeñet cha'an ili cuxty_λlel mach'_λ yujil jilel, jini am b_λ yic'ot Dios lac Tyat. Jiñ_λch tsa' b_λ p_λsbentiyon lojon.

³ Mi lojon c subeñetla jini tsa' b_λ lojon quil_λ, tsa' b_λ lojon cubi cha'an mi lac tyem ajñel quic'otyeta. Como isujm_λch mi lac tyem ajñel la quic'ot Dios lac Tyat yic'ot i Yalobil. Jiñ_λch Jesucristo.

⁴ Jin cha'an mi lojon c ts'ibubeñetla ili t'an cha'an ñoj tijicña mi la' wubin je'el.

Dios jiñ_λch i s_λaclel mulawil

⁵ Jiñ_λch jini t'an tsa' b_λ lojon c yoque ubi ti' ti' Jesucristo chancol b_λ c subeñetla. Jini mi y_λl, Dios jiñ_λch i s_λaclel mulawil. Mach'an i sajlic yic'lел.

⁶ Mi ti la c_λλ chancox lac ch'ujbin pero mi chancol tyo la cajñel ti ic't'oñal chancolonla ti lot che' jini yic'ot ti jini mu' b_λ lac lolon mel tyac.

⁷ Pero mi chancol la cajñel ti' s_λaclel Dios che' bajche' mi yajñel Dios, añonla la quic'ot mu' b_λ i

ch'ujbiñob. Che' jini i ch'ich'el Jesuscristo i Yalobil b_λ Dios mi' lu' poc'beñonla loq'uel lac mul.

⁸ Mi ti la c_λl_λ ma'an lac mul ch_λncol jach c bajñel lotin lac b_λ. Mach melel jini lac t'an che' jini.

⁹ Pero mi ti lac subu an lac mul, mi' ñus_λbeñon lac mul Dios como ch'ujbi lac ch'ujbin cha'an jun-yajlel tyoj bajche' mi' cha'len Dios. Mi' lu' choc loq'uel pejtyel mach'_λ wen ti lac pusic'al.

¹⁰ Mi ti lac lolon al_λ mi ma'an lac mul ch_λncol jach lac c_λle' xlot Dios. Ili t'an Dios mach'an ch_λncol lac ch'ujbin ti ñoj melel, che' jini.

2

Cristo la cajcotyaya

¹ Calobiletla, mic ts'ijbubeñetla ili t'an cha'an mach a wotsan la' mul. Pero mi ti cots_λ lac mul anix la cajcotyaya ya' ti' tyojlel Dios lac Tyat. Jiñ_λch Jesucristo jini ñoj wen b_λ.

² Jesucristo ti y_λc'_λ i b_λ ti sajtyel cha'an i xot'beñonla lac mul. Mach cha'anic jach ti lac bajñel mul joñonla, pero cha'an ti' mulob pejtyel aña' b_λ ti mulawil.

³ Mi ch_λncox lac ch'ujbiben pejtyel i xic'ojet Dios tsa'ix laj c_λñ_λ Jes_λs, che' jini.

⁴ Mi an majch mi y_λ: Tsa'ix j c_λñ_λ, che'en, mi ma'an mi' jac'ben i xic'ojet Dios, lot jach muc' che' jini. Mach'an melel i t'an.

⁵ Pero mi ch_λncox lac ch'ujbiben i t'an ch_λncox lac wen p'untyan Dios. Che' jini mux lac ña'tyan añonixla ti' tyojlel.

⁶ Jini mu' b_λ i y_λl anix ti' tyojlel Jes_λs, yom mi yajñel ti tyoj bajche' ti ajni Jes_λs.

Tsiji' bΛ lac xic'ol

⁷ Hermañujob, mach tsijibic tyo bΛ la' xic'ol chancol bΛ c ts'ijbubeñetla, pero jiñach lac xic'ol tsa' bΛ la' wubi c'ΛΛ ti tyejchibal c'ΛΛ wale cha'an p'untyaya.

⁸ Pero chancol c cha' ts'ijbubeñetla tsiji' bΛ la' xic'ol yubil cha'an p'untyaya. ChΛ'Λch ti' cha'le p'untyaya Cristo. ChΛ'Λch mi la' cha'len p'untyaya je'el. Tsa'ix tsictiyi i sʌclel Cristo ti joñonla. Chancolix i ñumel jini ic't'oñal.

⁹ Jini mu' bΛ i yale' chancox i yajñel ti' sʌclel, pero mi ts'a' mi yilan i pi'Λlob chancol tyo i yajñel ti ic't'oñal.

¹⁰ Jini chancol bΛ i p'untyan i pi'Λlob chancox i yajñel ti' sʌclel Cristo. Che' jini ma'an ba' mi quejel yotsan i mul.

¹¹ Pero jini mu' bΛ i ts'a'len i pi'Λlob an tyo ti ic't'oñal. Ya' tyo chancol ti xΛmbal che' jini. Mach'an mi' ch'Λmben isujm baqui mi quej i mājel. Como jini ic't'oñal che' bajche' mi yΛq'uen i muts' i wut.

¹² Jatyetla alp'eñelob, mic ts'ijbubeñetla ili t'an como Dios ti' ñusΛbeyetla la' mul cha'an ti' xot'beyonla lac mul Jesucristo.

¹³ Jatyetla tyatyΛlet bΛ la, mic ts'ijbubeñetla ili t'an como tsa'ix la' cΛñΛ jini am bΛ c'ΛΛ ti' tyejchibal mulawil. Jatyetla, alobet bΛ la, mic ts'ijbubeñetla ili t'an como tsa'ix la' ganari i p'ΛtyΛlel xiba. Jatyetla, alp'eñelob, mic ts'ijbubeñetla ili t'an como tsa'ix la' cΛñΛ Dios lac Tyat.

14 Jatyetla, taty^λlet b_λ la, mic ts'ijbubeñetla ili t'an como tsa'ix la' c_λñ_λ jini am b_λ c'_λλ ti' tyechibal mulawil. Mic ts'ijbubeñetla ili t'an alobet b_λ la, como p'_λty^λletixla. Ya'an i t'an Dios ti la' pusic'al. Tsa'ix la' ganari i p'_λty^λlet jini xiba.

15 Mach yom mi la' ch_λc mulan ili mulawil mi jinic an tyac b_λ ti mulawil. Como ili mu' b_λ i mulan ili mulawil ma' mi' p'untyan Dios lac Tyat.

16 Como mach ya'ic ty^λlem ti Dios lac Tyat ili i cha'an jach b_λ mulawil. Pero ty^λlem jach ti mulawil ili i tsuculel lac pusic'al. Jini lolom wen b_λ mi la quilan ti lac wut yic'ot che' mi lac ñuc isan lac b_λ ti' tyojlel lac pi'_λlob, i cha'an jach ili mulawil, pejtyelet jini mach b_λ wen.

17 Ch_λncox i bej l_λq'ue' ty^λlel i yujtibal mulawil yic'ot pejtyelet mach'_λ wen. Pero jini mu' b_λ i mele' bajche' yom Dios mi quej i yajñel ti pejtyel ora.

Jini melel b_λ t'an yic'ot jini lot b_λ t'an

18 P'unty^λbilet b_λ la calobilob, i yujtibal jachix ili q'uin tyac. Tsa'ix la' wubi tyal juntiquil ajcontra Cristo. Wale anix cab_λ ajcontra Cristo. Jin cha'an mi lac ña'tyan añonixla ti l_λc'_λl i jilibal ili q'uin tyac.

19 W_λ'_λch ti loq'uiyob w_λ' ba' añonla jini ajcontrajob. Pero mach yoque lac pi'_λlobic. Tsa'ic yoque ch'ujbiyob bajche' mi lac ch'ujbin, che' jini tsa'ix c_λyleyob w_λ' ba' añonla. Pero che' ñac ti loq'uiyob majlel ti tsictiyi che' jini mach'an yoque ch_λncox i ch'ujbiñob bajche' mi lac ch'ujbin.

20 Pero mach che'ic añetla bajche' jini ajcontrajob. Tsa'ix i y_λq'uetla Ch'ujul b_λ i Ch'ujlel Cristo. Jin cha'an tsa'ix la' c_λñ_λ jini mero isujm b_λ yi.

21 Mic ts'ijbubeñetla ili t'an mach cha'anic mach la' wujil isujm, pero la' wujil \wedge ch isujm. La' wujil isujm mach ty \wedge lemic ti melel b \wedge t'an jini lot.

22 ¿Majchqui jini xlot? Jiñ \wedge ch xlot jini mu' b \wedge i lolon ale' mach yajc \wedge bilic i cha'an Dios jini Jes \wedge ús. Jini mach' \wedge ba'an mi' ch'ujbin mach jinic jach mi' contrajiben i Yalobil Dios, pero mi' contrajin Dios lac Tyat je'el.

23 Pejtyel jini mu' b \wedge i lolon ale' mach i Yalobil Dios Cristo mach'an mi' ch'ujbin Dios lac Tyat je'el. Jini mu' b \wedge i ch'ujbin ti' pusic'al i Yalobil \wedge ch Dios jini Cristo, chancol i ch'ujbin Dios lac Tyat je'el.

24 Jin cha'an yom mi la' ch \wedge c ch'ujbin jini tsa' b \wedge la' wubi c' \wedge la ti ñaxan. Che' chancox la' wen ch'ujbin ti la' pusic'al jini tsa' b \wedge la' wubi ti ñaxan, che' jini añetla ti' tyojlel Dios lac Tyat yic'ot i Yalobil.

25 Jini Jesucristo ti y \wedge l \wedge cha'an mi quej i y \wedge q'ueñonla laj cuxtylel mach' \wedge yujil jilel.

26 Tic ts'ijbubeyetla ili t'an como an jini yomo' b \wedge i lotiñetla.

27 Pero tsa'ix ochi ti jatyetla jini Ch'ujul b \wedge i Ch'ujlel tsa' b \wedge i y \wedge q'uetla Jesucristo. Jin cha'an mach yom yamb \wedge la' ajc \wedge ntisa como jini Ch'ujul b \wedge i Ch'ujel mi' c \wedge ntisañetla ti pejtyel. Como jini mi' sub i sujmlel. Mach ts'in yujil lot. Che' yom mi la' wajñel ti Cristo che' bajche' mi' c \wedge ntisañetla.

28 Wale calobilob, ch \wedge c ajñenla ti Cristo cha'an ma'ix lac b \wedge q'uen che' mi tsictiyel Cristo. Ma'an mi laj quisnin che' mi cha' ty \wedge lel.

29 La cujila ñoj wen Jesucristo. Ñoj wen i melbal. Jin cha'an mi lac ña'tyan i yalobilob \wedge ch Dios jini mu' b \wedge i yajñel ti tyoj.

3

1 Yalobilob Dios

¹ Che' jini ña'tyanla ñoj cabl mi' p'untyañonla Dios lac Tyat. Mi lac pejcantyel ti yalobilonla Dios. Como melelach i yalobilonla. Jini año' b^ati mulawil mach'an mi' c^añob Dios lac Tyat. Jin cha'an ma' mi' ña'tyañob i sujmlel mi i yalobilonla Dios.

² P'untyabilet b^a la hermañujob, i yalobilonixla Dios. Pero max tyo ñoj tsiquil ti ili ora bajche' mi quej la cajñel. Pero la cujilach isujm che' mi cha'ty^alel Cristo mux lac yoque q'uele'. Che' jini lajal bajche' Cristo mi quejel la cajñel.

³ Pejtyelel chancol b^a i pijtjan Jesucristo chancolix i chac sac isan i b^a che' bajche' yalo sac Cristo.

⁴ Pero jini i tyalelach b^a am b^a ti mulil chancol i ñusan i xic'ol ti Dios. Mulilach che' mi lac ñusaben i xic'ojet Dios.

⁵ La cujil isujm ti tyali Jesucristo w^a' ti mulawil cha'an mi' loc'sabeñon lac mul. La cujil isujm je'el mach sajlic an i mul Jesucristo.

⁶ Pejtyelel mu' b^a i yajñelob ti Cristo mach'anix lajal mi' yotsan i mul che' bajche' i tyalel ti' cha'le wajali. Mi chancol tyo i chac otsan i mul mach'an mi' ch'ujbin Cristo che' jini.

⁷ Calobilob, mach yom lotintiquetla. Mi weñach mi la' cha'len, tyojix añetla che' bajche' tyojach Jesucristo.

⁸ Pero jini i tyalelach b^a mi' cha'len mulil c'ala wajali i cha'añach xiba como jini xiba c'ala ti' tyejchibal mi' cha'len mulil. Jin cha'an ti tyali i Yalobil Dios cha'an mi' jisaben i cha'libal xiba.

9 Mi junticlequic yalobilix b_A Dios ma'ix bej lajal mi yotsan i mul bajche' ti' cha'le wajali como anix i cuxty_Alel ti' pusic'al tsa' b_A aq'uenti ti Dios. Mach ch'ujbi i ch_Ac yajñel ti mulil bajche' i ty_Alel ti' cha'le wajali como i yalobil_Ach Dios.

10 Tsiquil_Ach majchqui i yalobil Dios majchqui i yalobil xiba. Mach i cha'anic Dios jini mach'_A ba'an mi' cha'len ch_A b_A tyoj, mach'_A ba'an mi' p'untyan i pi'_Alob.

La' lac p'untyan lac b_A

11 Jini t'an tsa' b_A la' wubi c'_Al_A che' ñac ti la' wubi i t'an Dios mi y_Ale' yom mi lac p'untyan lac b_A.

12 Mach yom mi lac cha'len bajche' ti' cha'le Caín como i cha'añ_Ach xiba. Ti' ts_Ans_A i yijts'in jini Caín. ¿Chucoc'h ti' ts_Ans_A? Ti' ts_Ans_A i yijts'in cha'an ti caj wen ti' cha'le pero mach wen ti' cha'le Caín.

13 Jin cha'an, hermañujob, che' mi' ts'a'leñetla jini año' b_A ti mulawil mach la' pensalin como i ty_Alel_Ach.

14 Che' mi lac p'untyan la quermañujob tsiquil colemonixla ti' p'_Aty_Alel mulil mu' b_A i y_Ac'onla ti sajtyel. Anix laj cuxty_Alel. Pero jini mach'_A ba'an mi' p'untyan i pi'_Alob c'_Al_A sajtyem tyo yubil.

15 Majchical jach mi' ts'a'len i pi'_Alob ajts_Ansaj_Ach che' jini. La cujil_Ach isujm jini ajts_Ansa mach'an i cuxty_Alel mach'_A yujil jilel.

16 Che' ñac ti y_Ac'_A i b_A ti sajtyel Jesucristo cha'añonla, ti laj c_Añ_A p'untyaya. Wale yom mi la c_Ac' lac b_A ti sajtyel cha'an i wenlel la quermañujob je'el.

17 Mi an juntiquil wen an ch_A b_A an i cha'an, mi ti yil_A juntiquil hermañu mach'_A ba'an ch_A b_A an i

cha'an mi ma' mi' cotyan, ¿chancol ba i p'untyan Dios che' jini? Ma'an mi p'untyan Dios ti' pusic'al.

18 Calobilob, mach p'untyaya chancolonla che' ti lac ti' jach mi la cale' pero melelach chancol lac cha'len p'untyaya che' mi laj cotyan yaño' bΛ.

Mach'an lac bΛq'uen ti' tyojlel Dios

19 Mi cha'ach mi lac cha'len p'untyaya mi quej laj cΛñe' mi añonla ti i sujmlel. Mach'anix mi lac bΛc'ñan Dios che' añonla ti' tyojlel.

20 Pero mi chancol lac cha' lolon pensalin ti lac pusic'al an tyo lac mul mach wen lac pensal che' jini. Mi cha'ach mi lac ña'tyan, jinic tyo Dios mach muculic ti' wut. Más ñumen ñuc Dios. Dios lu' yujilach isujm.

21 P'untyabilet bΛ la hermañujob, mi la cujilach isujm mi mach'an mi bajñel al lac pusic'al mi an lac mul mach'anic mi lac bΛc'ñan Dios che' añonla ti' tyojlel.

22 Che' jini che' an chΛ bΛ mi laj c'ajtin ti oración mux i yΛq'ueñonla che' jini. Como chancox lac ch'ujbiben che' bajche' mi' xic'onla. Chancox lac mele' mu' bΛ i mulan.

23 Jiñach i xic'bal: Yom mi lac ch'ujbin Yalobil. Jiñach Jesucristo. Che' je'el yom mi lac p'untyan lac bΛ che' bajche' ti' subeyonla.

24 Jini mu' bΛ i jac' i xic'bal Dios mi wen ajñel ti Dios. Che' je'el Dios mi yajñel ti' pusic'al. La cujil isujm mi yajñel ti joñonla Dios como mi lac ña'tyan cha'an ti caj Ch'ujul bΛ i Ch'ujlel tsa' bΛ aq'uentiyonla.

4

Cantisa cha'an Ch'ujul b_A i Ch'ujlel Dios yic'ot i contra Dios

¹ P'unty_Abilet b_A la hermañujob, mach yom la' ch'ujbin majchical jach mu' b_A i lolon y_Ale' ty_Alem ti Ch'ujul b_A i Ch'ujlel Dios i cantisa. Yom wen xuc'uletla cha'an mi la' ña'tyan mi yoque i cha'añ_Ach Ch'ujul b_A i Ch'ujlel Dios mi mach i cha'anic Dios como w_A' ti mulawil an cab_Al xlot b_A ajcantisa mu' b_A i lolon ale' ty_Alem i cantisa ti Dios.

² Mic subeñetla bajche' mi la' ña'tyan mi melel i cha'añ_Ach Ch'ujul b_A i Ch'ujlel Dios jini ajcantisa. Pejtyel majchical jach mi y_Ale' ti ty_Ali ti yoque i b_Ac'tyal Jesucristo mi che' mi y_Al, añ_Ach Ch'ujul b_A i Ch'ujlel Dios yic'ot jini ajcantisa, che' jini.

³ Pero mi mach che'ic mi y_Ale', mi mach'an mi y_Ale' ti tsictiyi Jesús ti' b_Ac'tyal mach'an i cha'an jini Ch'ujul b_A i Ch'ujlel Dios jini ajcantisa. Ajcontra Cristoj_Ach che' jini. Tsa'ix la' wubi mux quej i ty_Alel. Wale anix w_A' ti mulawil jini ajcontra Cristo.

⁴ Jatyetla, calobilob, i cha'añetla Dios. Tsa'ix la' ganari i p'_Aty_Alel jini ajcontra Cristo como más p'_Aty_Al Dios am b_A ti jatyetla bajche' jini xiba am b_A ti mulawil.

⁵ Como jini ajcantisajob i cha'añ_Ach mulawil. Jin cha'an mi' tyajob ti t'an jini am b_A ti mulawil. Jini aña' b_A ti mulawil mi' wen ñ_Ach'ty_Abeñob i t'an.

⁶ Joñonla i cha'añonla Dios. Mi mux i ñ_Ach'ty_Abeñonla i t'an Dios jini ajcantisa che' mi lac suben, tsiquil i cha'an Dios che' jini. Pero mi mach'an mi' ñ_Ach'ty_Abeñonla, mach i cha'anic

Dios. Che' jini mi quej laj c_{AN} mi ya' ty_Alem ti Dios o mi lot jach b_A ajc_{ANT}isa.

Ya' ty_Alem p'untyaya ti Dios

⁷ P'unty_Abilet b_A la hermañujob, jin cha'an, yom mi lac p'untyan lac b_A como ya' ty_Alem ti Dios pejtyelet lac p'untyaya. Pejtyelet jini mu' b_A i p'untyan i pi'_{AL} i yalobil_Ach Dios. C_{AN}alix i cha'an Dios.

⁸ Majchical jach mach'_A ba'an mi' p'untyan i pi'_{AL} mach i c_{AN}_A Dios che' jini. Como ya' ty_Alem p'untyaya ti Dios.

⁹ Dios ti' wen p_{AS}'eyonla bajche' mi' p'untyañonla che' ñac ti' choco ty_Alel cojach b_A i Yalobil w_A' ti mulawil cha'an mi lac tyaj laj cuxtylel ti' Yalobil.

¹⁰ Jini yoque p'untyaya jiñ_Ach che' ñac Dios ti' p'untyayonla. Max tyo yoque p'untyayajic che' ñac ti lac p'unty_A Dios joñonla. Dios ti' choco ty_Alel cojach b_A i Yalobil cha'an i sajtyel cha'an i xot'beñonla lac mul.

¹¹ P'unty_Abilet b_A la hermañujob, che' bajche' ti' p'untyayonla Dios ch_A'_Ach yom mi lac p'untyan lac b_A je'el.

¹² Ma'an majch ti yil_A Dios pero che' mi lac p'untyan lac b_A w_A'_Ach an la quic'ot Dios che' jini. Mi lac cha'len p'untyaya che' bajche' yom.

¹³ La cujil_Ach isujm añañonla ti Dios. Dios an ti joñonla como ti y_Aq'ueyonla Ch'ujul b_A i Ch'ujlel.

¹⁴ Ti lojon quilabe i Yalobil. Chancol c subeñet lojon Dios lac Tyat ti' choco ty_Alel cha'an mi' cotyañob pejtyelet año' b_A ti mulawil.

15 Majchical jach mu' b_λ i ch'ujbin, mu' b_λ i y_λle' i Yalobil_λch Dios jini Jesús, mi yajñel ti Dios. Dios mi yajñel ti jini quixtyañu.

16 Tsa'ix lac ch'ujbi ya' ty_λlem p'untyaya ti Dios. Che' mic p'untyan lac b_λ añonixla ti Dios. Mi la cajñel ti Dios. Dios mi yajñel ti joñonla.

17 Che' añonla ti Dios mi lac cha'len p'untyaya che' bajche' yom. Che' jini, ma'ix quisintic mi la cubin che' mi laj c'otyel ya' ti' tyojeł Dios ti' q'uinil melojeł como mi lac cha'len p'untyaya che' w_λ añonla ti mulawil che' bajche' mi' cha'len p'untyaya Jesucristo.

18 Che' an majch mi' p'untyañonla ma'ix mi lac b_λc'ñan che' jini. Mi lu' lajmel pejtyel lac b_λq'uen cha'an ch_λncol i p'untyañonla. Mi an tyo lac b_λq'uen jiñ_λch cha'an ch_λncol tyo lac b_λc'ñan lac xot' lac mul. Mi ch_λncolon tyo la ti b_λq'uen max tyo mi lac yoque cha'len p'untyaya.

19 Mi lac p'untyan Dios cha'an ñaxan ti' p'untyañonla.

20 Mi an majch mi y_λ: Ch_λncol c p'untyan Dios, che'en, pero mi ch_λncol tyo i ts'a'len i pi'_λ, lot jach muc'. Como mi ma'an mi' p'untyan i pi'_λ che' mero ya'an ti' t'ejl jinic tyo Dios mach ch'ujbi i p'untyan como mach'an mi yilan ti' wut.

21 Dios ti y_λc'onla ili xic'ol cha'an jini mu' b_λ i p'untyan Dios yom i p'untyan i pi'_λlob je'el.

5

Bajche' mi lac jotben i p'λty_λlel jini mach'λ wen am b_λ ti mulawil

1 Yalobil_λch Dios majchical jach mu' b_λ i ch'ujbin Jesús yajc_λbil b_λ i cha'an Dios. Jini mu' b_λ i

p'unty^λben i tyat mux i p'unty^λbeñob i yalobilob je'el.

² Como la cujil isujm chancol lac p'untyaño^b pejtyel i yalobilo' bΛ Dios mi chancol lac p'untyan Dios mi mux lac jac' lac xic'ol ti Dios.

³ Mi chancol lac p'untyan Dios mux lac ch'ujbin lac xic'ol ti Dios che' jini. La cujil mach'an wocol ti ch'ujbintyel.

⁴ Pejtyelet jini yalobilob Dios mi' ganarin i p'λty^λlel mach'^λ wen am bΛ ti mulawil. Che' tsa'ix lac ch'ujbi Dios mi la c^λq'uentyel lac p'λty^λlel cha'an mi lac ganarin i p'λty^λlel mach'^λ wen.

⁵ Jini muq'ui^b x i ch'ujbin i Yalobilach Dios jini Cristo, mi' ganarin i p'λty^λlel mach'^λ wen ti mulawil.

T'an mu' bΛ tsictisan cha'an Yalobilach Dios jini Jesús

⁶ Jesucristo tsajni w^λ ti mulawil. Ti tsictiyi Jesucristoj^λch cha'an ti ja' che' ñac ti' ch'λma ja', cha'an ti' ch'ich'el che' ñac ti beque i ch'ich'el. Mach ti ja'ic jach pero ti ja' yic'ot ti' ch'ich'el ti tsictiyi mi Jesucristoj^λch. Ch^λach jini Ch'ujul bΛ i Ch'ujlel Dios mi y^λle' je'el. Como y^λlo i sujmlel mi' sube'.

⁷ Uxchajb t'an ti panchan mu' bΛ p^λse' mi Jesucristo. Jiñ^λch i t'an Dios lac Tyat, yic'ot je'el Jesucristo mu' bΛ i pejc^λntyel ti T'an yic'ot je'el Ch'ujul bΛ i Ch'ujlel. Uxchajp i p'λty^λlel pero juntiquil jach Dios.

⁸ Uxchajp ti mulawil mu' bΛ i p^λs i sujmlel mi Jesucristoj^λch. Jiñ^λch i cha'an Ch'ujul bΛ i Ch'ujlel, jini ja'i, jini i ch'ich'el. Lajal^λch mi loq'uel i sujmlel ti uxchajplel.

9 Chancol lac ch'ujbibeñob i t'an quixtyañu wə'wə'i pero más p'atyal i t'an Dios cha'an lac ch'ujbin. Dios mi' subeñonla ti' t'an cha'an i Yalobilach Dios jini Cristo.

10 Jini mu' bə i ch'ujbin Yalobil Dios mi' ña'tyan i sujmlel ti' pusic'al. Jini mach'ə ba'an mi' ch'ujbin chancol i cuye' ti xlot Dios como mach'an mi' ch'ujbin tsa' bə yələ Dios cha'an Yalobilach Dios jini Jesús.

11 Jiñəch tsa' bə ajli jiñəch iliyi: Tsa'ix i yəq'ueyonla Dios laj cuxtyəlel mach'ə yujil jilel. Ya' tyəlem ti' Yalobil Dios ili laj cuxtyəlel.

12 Che' an Yalobil Dios ti lac pusic'al an laj cuxtyəlel mach'ə yujil jilel. Jini mach'ə ba'an i Yalobil Dios ti' pusic'al mach'an i cuxtyəlel mach'ə yujil jilel.

Cojix bə t'an tyac

13 Mic ts'ijbubeñetla ili t'an, jatyetla, mu' bə la' ch'ujbin i Yalobil Dios, cha'an mi la' ña'tyan anix la' cuxtyəlel mach'ə yujil jilel.

14 Che' mi laj c'ajtiben cha'an Dios mi' mel bəjche' yom, la cujiləch isujm mi' ñəch'tyəbeñonla lac t'an che' an chə bə mi laj c'ajtiben.

15 Che' ña'tyəbilix lac cha'an chancol i ñəch'tyəbeñonla lac oración, la cujil isujm mux i yəq'ueñonla mu' bə laj c'ajtiben.

16 Mi ti la quila juntiquil hermañu chancos bə i tyaj i mul mi mach jinic mu' bə i yəc' ti sajtyel, yom mi laj c'ajtiben Dios ti oración cha'an mi' ñusəben i mul cha'an mi yəq'uen i cuxtyəlel. An mulil mu' bə i yəc'onla ti sajtyel. Jin cha'an mi ti la quila

juntiquil hermañu chancox i tyaj i mul mu' b_A y_Ac'
ti sajtyel mach'an mic xiq'uetla la' tyaje' ti oración.

¹⁷ Pejtyel mach'_A wen mi' cha'len lu' mulilach.
Pero an mulil mach'_A ba'an mi y_Ac' ti sajtyel.

¹⁸ La cujilach isujm mi lac Tyaty_Ach Dios
mach'an mi lac ch_Ac' otsan lac mul che' bajche'
i ty_Alel ti lac cha'le wajali como yalobilonla Dios.
Mux i c_An_Atyañonla. Jini xiba mach ch'ujbi i
ty_Ac'lañonla.

¹⁹ La cujilach isujm i yalobilonla Dios. Pero
pejtyel mach b_A i yalobilic Dios añob ti' p'_Aty_Alel
xiba.

²⁰ Pero la cujil isujm tsajni Yalobil Dios cha'an
mi y_Aq'ueñonla lac ña'ty_Abal cha'an mi laj c_An_Ae' jini
yoque Isujm b_A. Añonla ti yoque jini i sujmlel b_A
Dios. Jiñ_Ach Yalobil Dios jini jesucristo. Jiñ_Ach jini
y_Alo i sujmlel b_A Dios. Jiñ_Ach laj cuxty_Alel mach'_A
yujil jilel.

²¹ P'unty_Abilet b_A la calobilob, xuc'uletla yom
cha'an mach'an mi la' ch'ujutisan jini mu' b_A i
lolon q'uelob ti' diosob. Amén.

**JINI WEN BA T'AN
The New Testament and portions of the Old Testament
in the Tila dialect of the Chol language of Mexico
La Santa Biblia en el Chol de Tila**

copyright © 2008 La Liga Bíblica

Language: Chol de Tila (Chol)

Dialect: Tila

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-06-08

PDF generated using Haiola and XeLaTeX on 11 Nov 2022 from source files
dated 22 Nov 2019

bc403b33-5815-586a-ab64-716de5d20d17